



ՀԱՍՏԱՏՈՒՄ ԵՄ

«Հավատարմագրման ազգային մարմին»

ՊՈԱԿ-ի տնօրեն

Ն. Մկրտչյան

(անուն, ազգանուն)

«29» 12 2017 թ.

**Հիմք՝ Հավատարմագրման ազգային
մարմնի հավատարմագրման խորհրդի
2017 թվականի դեկտեմբերի 29-ի
N 1 որոշումը**

Կ Ա Ր Գ

ՀԱՎԱՏԱՐՄԱԳՐՄԱՆ ԱԶԳԱՅԻՆ ՄԱՐՄՆԻ ՊԱՏԿԵՐԱՆԻՇԻ ԵՎ ՀԱՎԱՏԱՐՄԱԳՐՄԱՆ ՆՇԱՆԻ ԿԻՐԱՌՄԱՆ

K-03

Սույն փաստաթուղթը չի կարելի մասնակիորեն արտատպել կամ վերարտադրել առանց Հավատարմագրման ազգային մարմնի գրավոր համաձայնության

ԲՈՎԱՆԴԱԿՈՒԹՅՈՒՆ

1. ՆԵՐԱԾՈՒԹՅՈՒՆ.....	4
2. ՆՈՐՄԱՏԻՎ ՎԿԱՅԱԿՈՉՈՒՄՆԵՐԸ.....	4
3. ՀԻՄՆԱԿԱՆ ՀԱՍԿԱՑՈՒԹՅՈՒՆՆԵՐԸ.....	4
4. ՀԱՄ-Ի ՊԱՏԿԵՐԱՆԻՇԸ ԵՎ ՀԱՎԱՏԱՐՄԱԳՐՄԱՆ ՆՇԱՆԸ	4
4.1 Ընդհանուր դրույթները	4
4.1.1 ՀԱՄ-ի պատկերանիշը	4
4.1.2 Հավատարմագրման նշանը	5
4.2 ՀԱՄ-ի պատկերանիշի և հավատարմագրման նշանի կիրառման պայմանները.....	6
4.2.1 ՀԱՄ-ի պատկերանիշը.....	6
4.2.2 Հավատարմագրման նշանը.....	7
4.3 ՀԱՄ-ի պատկերանիշի և հավատարմագրման նշանի վերարտադրումը.....	7
4.3.1 Ձևը և չափերը.....	7
4.3.2 Գույները	8
4.3.3 Վերարտադրման ձևերը	8
4.3.4 Ձեռնդրումը	8
5. ՏԵՔՍՏԱՅԻՆ ՎԿԱՅԱԿՈՉՄԱՆ ԿԻՐԱՌՈՒՄԸ.....	9
6. ՀԱՎԱՏԱՐՄԱԳՐՄԱՆ ՆՇԱՆԻ ԵՎ ՏԵՔՍՏԱՅԻՆ ՎԿԱՅԱԿՈՉՄԱՆ ԿԻՐԱՌՄԱՆ ՊԱՅՄԱՆՆԵՐԸ..	9
6.1 Ընդհանուր դրույթները	9
6.1.1 Հավատարմագրման կասեցումը	10
6.1.2 Հավատարմագրման դադարեցումը և հավատարմագրման ժամկետի ավարտը.....	10

6.1.3 Չհավատարմագրված գործունեություն	10
6.2 Փաստաթղթեր և հրապարակային (գովազդային) նյութերը.....	11
6.2.1 Ընդհանուր դրույթները.....	11
6.2.2 Հրապարակային (գովազդային) և հրատարակային նյութերը	11
6.2.3 Ձևաթղթերը.....	11
6.2.4 Այցեքարտերը.....	11
6.3 ՀԳՄ-ի կողմից մատուցվող ծառայությունների արդյունքում տրամադրվող փաստաթղթերը.....	12
6.3.1 Ընդհանուր դրույթները.....	12
6.3.2 Լաբորատորիաներ և տեխնիկական հսկողություն իրականացնող մարմիններ.....	13
6.3.2.1 Տրամաչափարկման լաբորատորիաներ	13
6.3.2.2 Փորձարկման լաբորատորիաներ և տեխնիկական հսկողություն իրականացնող մարմիններ ..	13
6.3.3 Սերտիֆիկացման մարմիններ	14
7. ՀԳՄ-ի ԾԱՌԱՅՈՒԹՅՈՒՆՆԵՐԻՑ ՕԳՏՎՈՂՆԵՐԸ.....	14
8. ՉԱՐԱՇԱՀՈՒՄՆԵՐԸ	14
Հավելված Ա.....	16

1. ՆԵՐԱԾՈՒԹՅՈՒՆ

1.1 Սույն կարգը սահմանում է Հավատարմագրման ազգային մարմնի (այսուհետ՝ ՀԱՄ) պատկերանիշը, հավատարմագրման նշանը, համապատասխանության գնահատման մարմինների (այսուհետ՝ ՀԳՄ) հավատարմագրված լինելու վերաբերյալ տեքստային վկայակոչումները (այսուհետ՝ տեքստային վկայակոչում) և դրանց կիրառման կարգն ու պայմանները:

1.2 Սույն կարգը նախատեսված է ՀԱՄ-ի և հավատարմագրված ՀԳՄ-ների կիրառման համար:

2. ՆՈՐՄԱՏԻՎ ՎԿԱՅԱԿՈՉՈՒՄՆԵՐԸ

2.1 «Հավատարմագրման մասին» ՀՀ օրենք, 2012 թվականի մարտի 5-ի ՀՕ-20-Ն

2.2 ՀՍ ԻՍՕ/ԻԷԿ 17011 Համապատասխանության գնահատում. Համապատասխանության գնահատման մարմինների հավատարմագրում իրականացնող հավատարմագրման մարմիններին ներկայացվող ընդհանուր պահանջներ (ISO/IEC Conformity assessment. General requirements for bodies accrediting conformity assessment bodies)

2.3 EA 3/01 Հավատարմագրման նշանի կիրառման, հավատարմագրման վերաբերյալ տեքստային վկայակոչման և բազմակողմ ճանաչման համաձայնագիր (ԲՃՀ) ստորագրող կողմ հանդիսանալու կարգավիճակի վերաբերյալ Հավատարմագրման Եվրոպական Համագործակցության (EA) պայմանները (EA 3/01 Conditions for the use of Accreditation Symbols, Text Reference to Accreditation and MLA Signatory Status)

3. ՀԻՄՆԱԿԱՆ ՀԱՍԿԱՑՈՒԹՅՈՒՆՆԵՐԸ

Սույն կարգում կիրառվում են վերը նշված փաստաթղթերով ամրագրված հասկացությունները:

4. ՀԱՄ-Ի ՊԱՏԿԵՐԱՆԻՇԸ ԵՎ ՀԱՎԱՏԱՐՄԱԳՐՄԱՆ ՆՇԱՆԸ

4.1 Ընդհանուր դրույթները

4.1.1 ՀԱՄ-ի պատկերանիշը

Պատկերանիշը հանդիսանում է ՀԱՄ-ի պաշտոնական նշանը, որով ՀԱՄ-ը ներկայանում է:

ՀԱՄ-ի պատկերանիշը իրենից ներկայացնում է օվալ (դեղին, սպիտակ), որի վերին մասում նշվում է «Հայաստանի հավատարմագրման ազգային մարմին», ստորին մասում՝ «Armenian national accreditation body» բառերը, կենտրոնում պատկերված է Արարատ լեռը, կարմիր, կապույտ, ծիրանագույն գույների ժապավենը և «Armenian national accreditation body» («Հայաստանի հավատարմագրման ազգային մարմին») անվանման տառային հապավումը՝ «ARMNAB» (կապույտ, կարմիր):



ՀԱՄ-ի պատկերանիշը գրանցված է ՀՀ օրենսդրությամբ սահմանված կարգով:

4.1.1.1 ՀԱՄ-ի պատկերանիշը կարող է լինել հետևյալ տարբերակներով՝

- գունավոր,
- սև-սպիտակ,
- էլեկտրոնային (գունավոր կամ սև-սպիտակ):

4.1.2 Հավատարմագրման նշանը

ՀԱՄ-ի հավատարմագրման նշանը ցուցադրում է ՀԳՄ-ի հավատարմագրված լինելը ՀԱՄ-ի կողմից:

ՀԱՄ-ի հավատարմագրման նշանը բաղկացած է՝

- ՀԱՄ-ի պատկերանիշից,
- ՀԳՄ-ի հավատարմագրման գրանցահամարից,
- ստանդարտի նշագրից, որի համաձայն ՀԳՄ-ն հավատարմագրվել է:

ՀՍՏ XXX...



№ XXX/X-XXX

ՀԳՄ-ի հավատարմագրման գրանցահամարի կառուցվածքն է՝

«№ **xxx/x-xxx**»:

- «**xxx/x**» -ը ՀԳՄ-ի եզակի (չկրկնվող) գրանցահամարն է, որտեղ.
«**xxx**» ը գրանցման հերթական համարն է ըստ հավատարմագրման տեսակի, «**x**-»
ը ՀԳՄ-ի հավատարմագրման տեսակն է,
- «**-xxx**» ը համապատասխան հավատարմագրման վկայագրի գրանցման հերթական համարն է:

ՀԳՄ-ի հավատարմագրման տեսակները ներկայացվում են ստորև՝

T- փորձարկման լաբորատորիա

C- տրամաչափարկման (կալիբրավորման) լաբորատորիա

S- արտադրանքի սերտիֆիկացման մարմին

M- կառավարման համակարգերի սերտիֆիկացման մարմին

A- ֆիզիկական անձանց սերտիֆիկացման մարմին

I- տեխնիկական հսկողություն իրականացնող մարմին

B- G- N- P- համապատասխանության գնահատման գործունեություն իրականացնող համապատասխանության գնահատման այլ մարմիններ:

4.2 ՀԱՄ-ի պատկերանիշի և հավատարմագրման նշանի կիրառման պայմանները

4.2.1 ՀԱՄ-ի պատկերանիշը

ՀԱՄ-ը իր պաշտոնական գործունեության ընթացքում իր պատկերանիշը կիրառում է՝

- ՀԱՄ-ի պաշտոնական փաստաթղթերի, ձևաթղթերի և այլ անհատականացման միջոցներ վրա,
- ՀԱՄ-ի աշխատակազմի այցեքարտերի վրա,
- ՀԱՄ-ի կողմից կամ նրա անունից կազմակերպվող շնորհանդեսներում, սեմինարներում և այլ միջոցառումներում, գովազդային նյութերում, հրատարակություններում,
- ՀԱՄ-ի պաշտոնական ինտերնետային կայքում:

ՀԱՄ-ի պատկերանիշի կիրառումը բացի վերը թվարկածից հնարավոր է միայն գրավոր պահանջի դեպքում՝ ՀԱՄ-ի ղեկավարի հաստատմամբ:

ՀԱՄ-ի պատկերանիշը չի կարող կիրառվել այնպես, որ թյուրիմացության մեջ գցի, հեղինակագրկի կամ վնաս հասցնի ՀԱՄ-ի վարկանիշին կամ օգտագործվի այն մտադրությամբ, որ արտադրանքը, գործընթացները, համակարգերը կամ անձը արժանացել է ՀԱՄ-ի հավանությանը:

4.2.2 Հավատարմագրման նշանը

Հավատարմագրման նշանը կիրառվելիս չպետք է թյուրիմացության մեջ գցեն հասարակությանը՝ հավատարմագրման առարկայի (ոլորտի) և հավատարմագրված ՀԳՄ-ի վերաբերյալ: ՀԳՄ-ն պատասխանատու է իր և իր պատվիրատուների կողմից հավատարմագրման նշանի ճիշտ կիրառման համար:

ՀԳՄ-ն հավատարմագրման նշանը կիրառում է՝

- հավատարմագրման ոլորտի շրջանակներում մատուցվող ծառայությունների արդյունքում տրամադրվող փաստաթղթերում՝ սերտիֆիկատներում, հաշվետվություններում, փորձարկման արձանագրություններում և այլն,
- ձևաթղթերի վրա,
- գովազդային նյութերում, հրատարակություններում,
- պաշտոնական ինտերնետային կայքում:

4.3 ՀԱՄ-ի պատկերանիշի և հավատարմագրման նշանի վերարտադրումը

4.3.1 Ձևը և չափերը

ՀԱՄ-ի պատկերանիշի և հավատարմագրման նշանի ձևը և համաչափությունը տրված է Ա հավելվածում:

ՀԱՄ-ի պատկերանիշը և հավատարմագրման նշանը պետք է վերարտադրվեն այն տեսքով և այն համաչափությամբ, ինչ ներկայացված է Ա հավելվածում: Թույլատրվում են միայն այնպիսի վերարտադրումները, որոնք երաշխավորում են հաստատված ձևի և գունային պատկերի պահպանումը:

Հավատարմագրման նշանը կիրառվում է հետևյալ մասշտաբներով՝ 1:1, 1:1,5:

ՀԱՄ-ի պատկերանիշը և հավատարմագրման նշանը արգելվում է ձևախախտել:

Պետք է պահպանվի նշանի համաչափությունը և երաշխավորվի հավատարմագրման նշանում օգտագործված տառերի և նիշերի ընթեռնելիությունը:

ՀԱՄ-ի պատկերանիշում օգտագործվում է «ՂԷԱ Գրապալատ» (GHEA Grapat) տառատեսակը:

Հավատարմագրման նշանում ՀԳՄ-ի հավատարմագրման գրանցահամարը և ստանդարտի նշագիրը նշվում է «ՂԷԱ Գրապալատ» (GHEA Grapat) տառատեսակով և 7բ. չափով:

Սույն կարգի հավելվածներում ներկայացված պատկերանիշը և հավատարմագրման նշանը արտատպման կամ պատկերամտման (սկանավորման) մեթոդով ենթակա չեն կիրառման:

Հավատարմագրման նշանի վերարտադրման նմուշները և դրանց էլեկտրոնային ձևաչափերը գտնվում են ՀԱՄ-ում:

4.3.2 Գույները

ՀԱՄ-ի պատկերանիշը և հավատարմագրման նշանը կարող են կիրառվել գունավոր կամ միագույն տարբերակներով: Միագույն տարբերակի կիրառման դեպքում առաջարկվում է սև-սպիտակ տարբերակը:

4.3.3 Վերարտադրման ձևերը

ՀԱՄ-ի պատկերանիշի տպագրման համար ՀԱՄ-ը լիազորված է օգտագործել հետևյալ տարբերակները՝ էմբոսիոն, ռելիեֆային և շտեմպելային:

ՀԳՄ-ն որոշակի դեպքերում ՀԱՄ-ի համաձայնությամբ կարող է կիրառել հավատարմագրման նշանի էմբոսիոն, ռելիեֆային կամ շտեմպելային տարբերակների վերարտադրումը համապատասխան գույներով կամ սև ու սպիտակ:

4.3.4 Զետեղումը

Հավատարմագրման նշանը կարող է կիրառվել միայն ՀԳՄ-ի պատկերանիշի հետ համատեղ:

Հավատարմագրման նշանի բարձրությունը չպետք է գերազանցի ՀԳՄ-ի պատկերանիշի բարձրությանը:

ՀԳՄ-ի պատկերանիշի և հավատարմագրման նշանի շուրջ ազատ «պաշտպանական» գոտին պետք է լինի 5 մմ:

Այն դեպքում, երբ ՀԱՄ-ի կողմից հավատարմագրված ՀԳՄ-ն հավատարմագրված է նաև օտարերկրյա հավատարմագրման մարմինների կողմից, նա կարող է կիրառել օտարերկրյա մարմինների կողմից տրված նշանը ՀԱՄ-ի կողմից տրված հավատարմագրման նշանի կողքին կամ կիրառել հավատարմագրման նշանից որևէ մեկը՝ եթե ՀԳՄ-ն հավատարմագրված է հավատարմագրման միևնույն տեսակով և ոլորտով:

Եթե ՀԳՄ-ն հավատարմագրված է հավատարմագրման տարբեր տեսակներով կամ, եթե ՀԳՄ-ն հավատարմագրման միևնույն տեսակով հավատարմագրված է մի քանի անգամ և փաստաթղթում միաժամանակ մեջբերում է ՀԱՄ-ի հավատարմագրման մի քանի նշան (կետ 4.1.2.), տվյալ դեպքում նշանը պետք է զետեղված լինեն միմյանց կողք կամ տակ:

Հավատարմագրման տարբեր տեսակներով հավատարմագրված ՀԳՄ-ն հավատարմագրման ոլորտի շրջանակներում մատուցվող ծառայությունների արդյունքում տրամադրվող փաստաթղթերում պետք է կիրառի միայն համապատասխան հավատարմագրման տեսակի համար նախատեսված նշանը:

5. ՏԵՔՍՏԱՅԻՆ ՎԿԱՅԱԿՈՉՄԱՆ ԿԻՐԱՌՈՒՄԸ

ՀԳՄ-ն իր հավատարմագրված լինելու վերաբերյալ վկայակոչում կատարելիս կարող է կիրառել ինչպես հավատարմագրման նշանը, այնպես էլ կատարել տեքստային վկայակոչում: Տեքստային վկայակոչումը պետք է արտահայտի հավատարմագրման նշանի հակիրճ բովանդակությունը: Օրինակ՝ «ՀԳՄ-ն հավատարմագրված է ՀԱՄ-ի կողմից որպես

(ՀԳՄ-ի հավատարմագրման տեսակը)

և ունի հավատարմագրման հետևյալ գրանցահամարը՝ «№ XXX/X-XXX »:

6. ՀԱՎԱՏԱՐՄԱԳՐՄԱՆ ՆՇԱՆԻ ԵՎ ՏԵՔՍՏԱՅԻՆ ՎԿԱՅԱԿՈՉՄԱՆ ԿԻՐԱՌՄԱՆ ՊԱՅՄԱՆՆԵՐԸ

6.1 Ընդհանուր դրույթները

ՀԳՄ-ն իրավասու է օգտագործել հավատարմագրման նշանը և տեքստային վկայակոչումը, եթե.

- հավատարմագրված է, չի ավարտվել հավատարմագրման ժամկետը, հավատարմագրումը կասեցված, դադարեցված չէ,
- կատարում է սույն կարգով սահմանված պահանջները:

ՀԳՄ-ն հավատարմագրման ոլորտի շրջանակներում մատուցվող ծառայությունների արդյունքում տրամադրվող փաստաթղթերում պետք է կիրառի միայն համապատասխան հավատարմագրման տեսակի համար նախատեսված նշանը:

ՀԳՄ-ն պատասխանատվություն է կրում իր հայտատուների կողմից հավատարմագրման նշանի ու տեքստային վկայակոչման կիրառման համար և երաշխավորում է դրանց ճիշտ կիրառումը:

6.1.1 Հավատարմագրման կասեցումը

ՀԱՄ-ի կողմից ՀԳՄ-ի հավատարմագրման կասեցման դեպքում, ՀԳՄ-ն անհապաղ (հավատարմագրման կասեցման օրվանից) պետք է կասեցնի հավատարմագրման նշան և տեքստային վկայակոչում պարունակող բոլոր փաստաթղթերի հրապարակումը:

6.1.2 Հավատարմագրման դադարեցումը և հավատարմագրման ժամկետի ավարտը

ՀԳՄ-ն հավատարմագրման դադարեցման կամ հավատարմագրման ժամկետի ավարտման օրվանից սկսած պետք է բացառի հավատարմագրման նշանի հրապարակումը ու կիրառումը կամ հավատարմագրման վերաբերյալ որևէ վկայակոչումը և դադարեցնի հավատարմագրման նշանի կամ հավատարմագրման վերաբերյալ վկայակոչմամբ բոլոր նյութերի տարածումը:

Տվյալ պահանջի խախտումը հավատարմագրման նշանի կիրառման իրավախախտում է:

6.1.3 Չհավատարմագրված գործունեություն

Չհավատարմագրված գործունեության դեպքում արգելվում է հրապարակել /հոչակել, ազդարարել/, վկայակոչել կամ ակնարկել հավատարմագրումը:

ՀԳՄ-ն, որը հավատարմագրված է միայն իր գործունեության մի մասի համար, կարող է կիրառել հավատարմագրման նշանը կամ տեքստային վկայակոչումը միայն այնպիսի եղանակով, որպեսզի կասկած չառաջանա, թե որ գործունեությունն է հավատարմագրված:

Եթե ՀԳՄ-ն ունի մի քանի «գտնվելու վայրեր», որոնցից առնվազն մեկին չի շնորհվել հավատարմագրում, ապա հավատարմագրման նշանը կամ տեքստային վկայակոչումը կարող է կիրառել միայն հավատարմագրված «գտնվելու վայրեր»-ի համար:

Եթե թողարկվում է հավատարմագրված և չհավատարմագրված «գտնվելու վայրեր»-ին վերաբերող ընդհանուր փաստաթուղթ, ապա հավատարմագրման նշանի կամ տեքստային վկայակոչման մոտ պետք է գրված լինի ծանոթություն: Օրինակ՝ «Հավատարմագրված «գտնվելու վայրեր»-ի ցանկը և հավատարմագրման ոլորտը ներկայացվում է ըստ պահանջի:» կամ «Հավատարմագրված «գտնվելու վայրեր»-ի ցանկը և հավատարմագրման ոլորտը տեղադրված է [www.....](#) էլեկտրոնային կայքում», կամ փաստաթուղթը պետք է պարունակի այն «գտնվելու վայրեր»-ի ցանկը, որոնք ունեն հավատարմագրման վկայագրեր:

6.2 Փաստաթղթեր և հրապարակային (գովազդային) նյութերը

6.2.1 Ընդհանուր դրույթները

ՀԳՄ-ն հավատարմագրման նշանը կարող է կիրառել միայն իր պատկերանիշի հետ (տես գլուխ 4.3 և 6.1):

Եթե ՀԳՄ-ն փաստաթղթերում օգտագործում է տեքստային վկայակոչում, ապա ՀԱՄ-ը խորհուրդ է տալիս օգտագործել գլուխ 5-ում նշված տեքստը առանց փոփոխությունների:

6.2.2 Հրապարակային (գովազդային) և հրատարակային նյութերը

Հավատարմագրման նշանի և տեքստային վկայակոչման կիրառումը կարող է թույլատրվել միայն հրապարակային (**գովազդային**) և հրատարակային նյութերում, որոնք առնվազն մասնակիորեն վերաբերում են հավատարմագրված գործունեությանը: Այդ դեպքում անհրաժեշտ է արտացոլել գլուխ 4 և կետ 6.1 -ում բերված սկզբունքները:

6.2.3 Ձևաթղթերը

Հավատարմագրման նշանը և տեքստային վկայակոչումը կարող է կիրառվել ձևաթղթերում և այլ գրագրություններում՝ պահպանելով սույն կարգով սահմանված գեոմետրիան պայմանները (կետ 4.3.4):

Կոմերցիոն փաստաթղթերում, ինչպիսիք են գնացուցակները և այլ առաջարկությունները, որոնք մասնակի վերաբերում են հավատարմագրված գործունեությանը պետք է հստակ և միանշանակ նշվի, որ ծառայություններն են հավատարմագրված:

Եթե առաջարկությունները կամ ՀԳՄ-ի կողմից մատուցվող ծառայությունների արդյունքները վերաբերում են բացառապես չհավատարմագրված ծառայություններին, ապա հավատարմագրման նշան պարունակող ձևաթղթում պետք է հստակ նշվի, որ տվյալ ծառայությունները ընդգրկված չեն հավատարմագրման ոլորտում:

Եթե ՀԳՄ-ի կողմից մատուցվող ծառայությունների արդյունքները վերաբերում են բացառապես չհավատարմագրված ծառայություններին, ապա հավատարմագրման նշան կամ տեքստային վկայակոչում պարունակող ձևաթղթում պետք է հստակ նշվի, որ «տվյալ ծառայությունների արդյունքները ընդգրկված չեն հավատարմագրման ոլորտում»:

6.2.4 Այցեքարտերը

Հավատարմագրման նշանը կամ տեքստային վկայակոչումը արգելվում է կիրառել ՀԳՄ-ի աշխատակազմի այցեքարտերում:

6.2.5 Այլ կիրառումներ

Հավատարմագրման նշանը և տեքստային վկայակոչումը կարող է կիրառել միայն սույն փաստաթղթով սահմանված դեպքերում:

ՀԳՄ-ի կողմից հավատարմագրման նշանի կիրառումը բացի վերը թվարկածից հնարավոր է միայն գրավոր պահանջի դեպքում՝ ՀԱՄ-ի ղեկավարի հաստատմամբ:

6.3 ՀԳՄ-ի կողմից մատուցվող ծառայությունների արդյունքում տրամադրվող փաստաթղթերը

6.3.1 Ընդհանուր դրույթները

ՀԳՄ-ի կողմից մատուցվող ծառայությունների արդյունքում տրամադրվող փաստաթղթերում առկա հավատարմագրման նշանը ցուցադրում է հավատարմագրման համապատասխան ոլորտում գործունեություն իրականացնելու ՀԳՄ-ի իրավասությունը:

Հավատարմագրման նշանը, տեքստային վկայակոչումը չի թույլատրվում.

- կիրառել այնպիսի եղանակով, որ ենթադրվի, որ ՀԱՄ-ն է պատասխանատվություն կրում ՀԳՄ-ի հավատարմագրման ոլորտի շրջանակներում մատուցվող ծառայությունների արդյունքների համար,
- կիրառել այնպիսի եղանակով, որ ենթադրվի, որ ՀԱՄ-ն է հաստատել համապատասխանության գնահատման առարկան (տրամաչափարկված չափման միջոցը, փորձարկված արտադրանքը, սերտիֆիկացված արտադրանքը, անձը, կառավարման համակարգը և այլն),
- կիրառել ՀԳՄ-ի կողմից մատուցվող ծառայությունների արդյունքում տրամադրվող փաստաթղթերում, որոնք չեն պարունակում հավատարմագրման գործունեության արդյունքներ:

ՀԳՄ-ի մատուցվող ծառայությունների արդյունքում տրամադրվող փաստաթղթերում թույլատրվում է հավատարմագրման նշանի կիրառումը, տեքստային վկայակոչումը, եթե տվյալ փաստաթուղթը պարունակում է հավատարմագրման գործունեության արդյունքներ:

Հավատարմագրված և չհավատարմագրված գործունեության արդյունքները պետք է հստակ տարբերակվեն միմյանցից:

Եթե ՀԳՄ-ն սերտիֆիկացված է այլ ՀԳՄ-ի (սերտիֆիկացման մարմնի) կողմից, ապա նա չի կարող կիրառել սերտիֆիկացման մարմնի պատկերանիշը, երբ վկայակոչում է իր հավատարմագրման ծառայությունները:

6.3.2 Լաբորատորիաներ և տեխնիկական հսկողություն իրականացնող մարմիններ

Ենթակապալառուի կողմից ստացված արդյունքները փաստաթղթերում պետք է հստակ տարբերակվեն, ընդ որում, եթե ենթակապալառուն հավատարմագրված չէ տվյալ գործունեության իրականացման համար, ապա տրված արդյունքները փաստաթղթում պետք է զետեղված լինեն չհավատարմագրված արդյունքների մասում:

Կարծիքներ և մեկնաբանություններ

Լաբորատորիաները կարող են հավատարմագրման նշան կամ տեքստային վկայակոչում պարունակող փաստաթղթերում մեջբերել կարծիքներ և մեկնաբանություններ:

Եթե մեջբերված կարծիքները և մեկնաբանությունները վերաբերում են չհավատարմագրված արդյունքներին, ապա.

- ՀԳՄ-ն հավատարմագրման նշանի կամ տեքստային վկայակոչման մոտ պետք է տրամադրի ընթեռնելի տեղեկատվություն, որ դրանք վերաբերում են չհավատարմագրված արդյունքներին, կամ
- դրանք տրամադրի հիմնական փաստաթղթի մաս չհանդիսացող առանձին թերթով:

6.3.2.1 Տրամաչափարկման լաբորատորիաներ

ՀԳՄ-ն հավատարմագրման նշանը կարող է կիրառել այն դեպքում, եթե իր գործունեության արդյունքում տրված փաստաթուղթը պարունակում է հավատարմագրման արդյունքների մեծամասնությունը:

Բոլոր չհավատարմագրված արդյունքները պետք է հստակ նշված լինեն որպես այդպիսիք:

Հավատարմագրման նշանը կարող է կիրառվել միայն այն տրամաչափարկված չափման միջոցների վրա, որոնց տրամաչափարկման իրավունքով ՀԳՄ-ն հավատարմագրված է:

6.3.2.2 Փորձարկման լաբորատորիաներ և տեխնիկական հսկողություն իրականացնող մարմիններ

Եթե հավատարմագրման նշանը կամ տեքստային վկայակոչումը զետեղված է տրված փաստաթղթի տիտղոսաթերթում, ապա ՀԳՄ-ն հավատարմագրման նշանի կամ տեքստային վկայակոչման մոտ պետք է տրամադրի ընթեռնելի տեղեկատվություն, որ ՀԱՄ-ի հավատարմագրումը չի տարածվում նշված արդյունքների վրա: Նշումը պետք է կատարվի աստղանիշով կամ որևէ այլ նշանով:

Հավատարմագրված և չհավատարմագրված գործունեության արդյունքները պետք է հստակ տարբերակվեն միմյանցից:

6.3.3 Սերտիֆիկացման մարմիններ

Եթե սերտիֆիկացման մարմինը միևնույն հավատարմագրման ոլորտով հավատարմագրված է ՀԱՄ-ի և օտարերկրյա հավատարմագրման մարմինների կողմից, ապա սերտիֆիկացման մարմնի գործունեության արդյունքում տրված փաստաթղթերում պետք է վկայակոչվի դրանցից առնվազն մեկը:

7. ՀԳՄ-Ի ԾԱՌԱՅՈՒԹՅՈՒՆՆԵՐԻՑ ՕԳՏՎՈՂՆԵՐԸ

ՀԳՄ-ն կրում է պատասխանատվություն և ձեռնարկում համապատասխան միջոցներ ՀԳՄ-ի ծառայություններից օգտվողների (այսուհետ՝ հայտատուներ) կողմից հավատարմագրման նշանի և տեքստային վկայակոչման ճիշտ կիրառման համար:

Հայտատուները չեն կարող գետեղել ՀԳՄ-ի հավատարմագրման նշանը այցեքարտերում, ձևաթղթերում, արտադրանքի կամ արտադրանքի փաթեթավորման վրա և այլնում:

Հայտատուները հավատարմագրման նշանը և (կամ) տեքստային վկայակոչումը կարող են կիրառել գովազդային նյութերում, հրատարակություններում՝ ՀԳՄ-ի պատկերանիշի հետ միասին և դրանց կիրառումը պետք է խիստ սահմանափակվի ՀԳՄ-ի հավատարմագրման ոլորտի շրջանակով:

8. ՉԱՐԱՇԱՀՈՒՄՆԵՐԸ

ՀԱՄ-ը պետք է վերահսկի ՀԳՄ-ների կողմից հավատարմագրման նշանի և տեքստային վկայակոչման կիրառումը:


ՀԱՄ-ի պատկերանիշի կամ հավատարմագրման նշանի կիրառման չարաշահումների, ՀԳՄ-ի կողմից որպես հավատարմագրման մարմին կամ հավատարմագրված ՀԳՄ ոչ օրինաչափական ցուցադրման կամ հավատարմագրման կարգավիճակի վերաբերյալ ոչ օրինաչափական վկայակոչման դեպքում, ՀԱՄ-ը կարող է պահանջել հավատարմագրման բնագավառի լիազոր մարմնից՝ ՀՀ տնտեսական զարգացման և ներդրումների նախարարությունից, հիմք ընդունելով «Հավատարմագրման մասին» ՀՀ օրենքի հոդված 7-ի 1-ին մասի 4-րդ պարբերությունը, իրականացնել վարչական վարույթ:

Եթե հայտնաբերվի ՀԳՄ-ի կողմից հավատարմագրման նշանի և տեքստային վկայակոչման թյուրիմացության մեջ գցելու նպատակով կիրառման փաստը ՀԳՄ-ի կողմից տրամադրվող փաստաթղթերում, հրապարակային նյութերում, գրագրություններում, էլեկտրոնային կայքում և այլնում, որոնք չեն համապատասխանում սույն կարգի պահանջներին, հավատարմագրման մարմինը կարող է որոշում կայացնել ՀԳՄ-ի հավատարմագրման անհապաղ կասեցման վերաբերյալ: Տվյալ դեպքում ՀԱՄ-ը ՀԳՄ-ից գրավոր պահանջում է սահմանված ժամկետում իրականացնել ուղղիչ գործողություններ:

ՀԳՄ-ի կողմից սահմանված ժամկետը չպահպանելը, կամ ուղղիչ գործողություններ չիրականացնելը, և/կամ կրկին անգամ սույն կարգի պահանջների խախտումը հիմք է հանդիսանում ՀԱՄ-ի կողմից ՀԳՄ-ի հավատարմագրման դադարեցման համար:

ՀԳՄ-ի կողմից հավատարմագրման նշանի կամ հավատարմագրման վկայակոչման կիրառումը սույն կարգի պահանջները խախտելով կատարելու կամ պահանջները չկատարելու վերաբերյալ տեղեկատվությունը ՀԱՄ-ը հրապարակում է իր պաշտոնական ինտերնետային կայքում ու անհրաժեշտության դեպքում իրականացնում իրավական այլ գործողություններ:

Հավելված Ա



Նկար 1 – Հավատարմագրման նշանի չափերը՝ 1:1 մասշտաբով:

ՓԱՍՏԱԹՂԹԻ ՓՈՓՈԽՈՒԹՅՈՒՆՆԵՐԻ ՑԱՆԿ

Խմբագրությունը		Փոփոխությունը		Փոփոխված կետերը	Փոփոխված (նախորդ) տարբերակը	Փոփոխությունը կատարողի ստորագրությունը
Հ/Հ	Հաստատման ամսաթիվը	Հ/Հ	Հաստատման ամսաթիվը			
2	29.12.2017			Տիտղոսաթերթ	-	
				4.1.2 կետում M-,	Q- E- F- H- L- K-	
				7-րդ կետի 2-րդ պարբերություն «Հայտատուները չեն կարող զետեղել ՀԳՄ-ի հավատարմագրման նշանը այցեքարտերում, ձևաթղթերում, արտադրանքի կամ արտադրանքի փաթեթավորման վրա և այլնում:»:	7.1, 7.2, 7.3, 7.4 կետերը հանել	

ՓԱՍՏԱԹՂԹԻՆ ԾԱՆՈԹԱՆԱԼՈՒ ԹԵՐԹԻԿ

Հ/Հ	Ա.Ա.	Պաշտոնը	Ամսաթիվը	Ստորագրությունը